

文苑英華卷第二百十六

詩六十六

人事三

宴集五十六首

九日陪樊尚書龍山宴集

楊銜



孟嘉從宴地千乘復登臨
緣危陟高步憑曠寫幽襟
黃花翫初馥翠物喜盈斟
雲雜組繡色樂和山水音
旃搖秋吹急筵卷夕光沉
都人瞻騎火猶知隔寺深

上巳日陪齊相公花樓宴

盧綸

鍾陵暮春月飛觀延羣英
晨霞耀中軒蒲席羅金瓊
持盃凝遠瞻觸物結幽情
樹杪參差綠湖光瀲灩明
禮卑瞻絳帳恩浹厠華纓
徒記山陰興雜詠念此今日乃為榮

冬夜宴河中李相公中堂命箏歌送酒 劉禹錫

琅琅集作朗朗鷓鴣絃華堂夜多思簾外雪已深座中人半醉

翠娥發清響曲盡有餘意酌我莫憂狂老來無逸氣

此詩三百十四卷重出今已削去

王少尹宅宴張常侍二十六兄白舍人太監兼呈

盧郎中李員外副使一作二副使前人

將星夜落使星來三省清晨到外臺事重各銜天子詔禮

成同把友集作故人盃卷簾松竹雪初霽蒲院池塘春欲廻

第一林亭迎好客殷勤莫笑集作情玉山頽

此詩二百五十卷重出今已削去

同年春燕 孟郊

少年三十士嘉會良在茲高歌搖春風醉舞摧花枝意動

婉婉集作晚晚景喜疑芳菲時馬跡攢騶裊樂聲韻集作運參差

視聽改舊趣物象合集作含新姿紅雨花上滴綠煙柳際垂

淹中講精義南皮戲清詞前賢與今人千載為一期明鑒

有皎潔澄集作良玉無磷淄水將集作與泥沙別各整霄集作雲

漢儀盛氣自中積英名日四馳寒鴻無集作絕傳匹海月難

等夷鬱抑忽已盡親朋樂無涯幽蘅發空曲芳杜綿所思

浮跡自聚散壯心誰別離願保金石志無令有奪移

寒食內宴二首 張籍

朝光瑞氣蒲宮樓綵燾魚龍四面稠廊下御厨分冷食殿

前香騎逐飛毬千官盡醉猶高坐百戲皆呈亦未集作未放休

共喜拜恩侵夜出金吾不敢問行由

二

城闕沉沉向曉寒恩當冷節賜餘歡瑞煙深集作入處開三

集作

殿春雨微時引百官寶樹樓前分翠幕綵花廊下映朱集作
華欄宮庭戲樂年年別已得三廻對御看

三原李氏園宴集

前人

暮春天早熱邑居苦囂煩言從君子樂樂彼李氏園園中
有草堂池引涇水泉開戶西北望遠見峩峩山借問主人
翁北州佐戎軒僕夫守舊宅為客施華筵高懷有餘興一作
膏壤有滋竹一作芳且鮮傾我所持觴盡日共晉連踈拙
餘滋不偶俗常喜形體閑况來幽棲地能不重笑言

郡中春醺因贈諸客

白居易

僕本儒家子待詔金馬門塵忝親近地孤負聖明恩一旦
奉優詔萬里牧遠人可憐島夷帥自稱為使君身騎牂牁
馬口食巴集作江鱗暗淡緋衫故爛班白髮新是時歲二
月玉曆布春分頒條示皇澤命宴及良辰冉冉趨府吏出
車聚州民有如蟄蟲鳥亦應天地春薰草蓆鋪座藤枝酒
注樽中庭無平地高下隨所陳蠻鼓聲坎坎巴女舞蹲蹲
使君居上頭掩口語衆賓勿笑風俗陋勿欺官府貧蜂窠
集作與蟻穴隨分有君臣

六年寒食洛下宴遊贈馮李二少尹 前人

豐年寒食節美景洛陽城三尹皆強健七日盡晴明東郊

踏青草南園攀紫荆風折海榴艷露墜木蘭英假開春未
老宴洽日屢傾珠翠混花影管絃藏水聲佳會不易得良
辰亦難并聽吟歌暫輟看舞盃徐行米價賤如土酒味濃
如餽此時不盡醉但恐負平生殷勤二曹長各捧一銀瓶

集作

郡樓夜宴留客

前人

北客勞相訪東樓為一開寒簾待月出把火看潮來艷唱
竹枝曲香傳蓮子盃寒天殊未曉歸騎且遲迴

飲散夜歸贈諸客

前人

鞍馬夜紛紛香街起暗塵迴鞭招醉集作妓分火送歸人
風月應堪惜盃觴莫厭頻明朝三月盡忍不送殘春

與諸同年賀座主侍郎新拜太常同宴蕭尚書亭

子座主於蕭下及第得群字 前人

寵新卿典禮會盛客徵文不失遷鷺侶因成賀鷺群池塘
晴間雪冠蓋暮如雲共仰魯攀處年深桂尚薰

東都冬日會諸同年宴鄭家林亭得先字 前人

盛時陪上第暇日會群賢桂折應同樹鷺遷各異年賓階

紛組綬集作妓席儼花鈿促膝齊榮賤差肩次後先助歌

林下水銷酒雪中天他日昇沉者無忘共此筵

宴散

前人

小宴追涼散平橋步月迴笙歌歸院落燈火下樓臺殘暑
蟬催盡新秋鴈帶來將何迎睡興臨卧舉殘盃

與諸客空腹飲

前人

隔宿書招客平明飲暖寒麴神寅日合酒聖卯時歡促膝
纔飛白醅顏已渥丹碧籌攢米盃紅袖拂散盤醉後歌尤
易狂來舞何難拋盃語同坐莫作老人看

宴周皓大夫光福宅

前人

何處風光最可憐妓堂階下砌臺前軒車擁路光照地絲
管入門聲微一作沸天綠蕙不香饒桂酒紅櫻無色讓花鈿
野人不敢求他事唯借流泉集作泉聲伴醉眠

夜宴惜別

前人

笙歌旖旎曲終頭轉作離聲滿座愁箏怨朱絃從此斷燭
啼紅淚為誰流夜長似歲歡宜盡醉未如泥飲莫休何況

鷄鳴即須別門前風雨冷條條

蘇州郡齋旬假始命宴呈座客示群寮 前人

公門日兩衙公假月三旬衙用決簿領旬以會親賓公多
及私少勞逸常不均况為劇郡長安得閑宴頽下車已三
月開筵始今辰初黔軍厨突一拂郡榻塵既備獸酌禮亦
具水陸珍萍醅若集作若溪醕水鱠松江鱗侑食樂懸動佐
歡妓席陳風流吳地客佳麗江南人歌節點隨袂舞香遺
在茵清奏凝未闕醅顏氣一作朱顏醅已春衆賓勿遽起郡僚
且逡巡無輕一日醉用犒九日勤微彼九日勤何以治吾
民微此一日醉何以樂吾身

軍城夜會

姚合

軍城夜禁樂飲酒每題詩坐穩吟難盡寒多醉較遲遠鍾
驚漏壓微月被燈欺此會誠堪惜天明是別離

春日同會崔少卿宅

前人

詩家會詩客池閣曉初晴鳥盡山中語琴添集作多譜外聲
映花相勸酒入洞各題名踈野長集作常如此誰人信在城

同諸公會大府韓卿宅

前人

九寺名卿才思雄邀歡筆下與盃空中一作中六街鼓盡塵埃

息四座筵開語笑同焰焰蘭缸明狹室丁丁玉漏發深宮

唯愁即是鷄催曉集作即聽鷄唱天門曉吏事相牽西復東

陪湖州韓中丞讌

朱餘慶

老大成名仍足病強聽絲竹亦無歡高情太守留閑坐借

與青山盡日看

秋日零陵與幕下諸賓遊河夜宴 鄭史

湘月蘋風乍暢襟燭前江水練千尋新秋宋玉能為賦水

夕袁宏好共吟輦下翠娥須強展罇中綠蟻且徐斟丁汝

漸有珠凝一作如珠露緩棹蘭撓任夜深

夜携酒訪崔正字 劉得仁

只應芸閣吏知我僻兼愚吟興忘飢凍生涯任有無慘雲

埋遠岫陰吹吼寒株忽起圍爐思招携一作携來酒蒲壺

夏夜會同人

前人

沉沉清暑夕星斗儼虛空岸幘栖禽下烹茶玉漏中終形骸

忘細故偃仰泰愚秉自汲泉來漱微開密篠風

東齋夜宴酬紹之起居見贈 楊發

龍門八上不知津，唯有君心困益親。白社追遊名自遠，青袍相映道逾新。十年江海魚緘盡，一夜笙歌鳳吹頻。漸老蔗交情更重，莫將美文一作酒負良辰。

長安客舍懷邵陵宴寄求州蕭使君五首 曹唐

邵陵樓榭集作碧閣一作葱籠，河漢星集作流。宴未終，殘露五更掀海月，清笳三會揭天風。香薰舞席雲鬟綠，光射盤蠟燭紅。今日却思行樂處，兩床絲竹小樓中。集作水樓中

二

粉蝶集作彤軒，盡障西水雲。紅樹窳璇題，鷓鴣影集作絕。歌聲定，鷓鴣驚初集作舞，翅齊坐對玉山難。句線聽唯集作以泥。

三

木魚銅鑰鎖春城，夜上紅江集作樓。縱飲情竹葉，水繁更漏短。桐花風軟管絃清，百分散打銀缸溢。十指寬催玉筋輕，星斗盡飛賓客醉。碧雲猶戀艷歌聲。

四

三年身逐漢公侯，賓榻容居最上頭。飽聽笙歌陪痛飲，熟尋雲樹縱閑遊。朱門鎖閉煙嵐暮，鈴閣清涼水木秋。月滿前山風不動，更邀詩客醉南樓。

五

玉筋集作樹

...

不知何路學飛翻虛受賢侯鄭重恩午夜清歌敲玉筋集作
三年洪飲竭金樽招携每感雙魚遠報谷空思集作一
知

灞集作上宴別

許渾

山斷水茫茫洛人西路長笙歌留遠棹風雨醉集作華堂

紅壁耿秋燭翠簾凝曉香何言集作從此去雲樹滿陵陽

穎川從事西湖亭宴餞

前人

西湖清宴不知迴一曲離歌酒一盃城帶夕陽聞鼓角寺

臨秋水見樓臺玉堂客醉集作蘭蟬猶噪桂檝人稀鳥自

來獨想征車過鞏洛此中霜菊遶潭開

將為南行陪浙江尚書崔公宴海樞堂 前人

朝譙華堂暮未休幾人偏得謝公留風傳鼓角霜侵戟雲

卷笙歌月上樓賓館盡開徐稚榻客帆空望集作李膺舟

謾誇書劍無知己集作水遠山遙集作步步愁

夏夜宴明月湖

薛逢

夏夜宴南湖琴觴興不孤月搖天上桂星泛浦中珠助照

螢隨舫添盤筍迸厨聖朝思靜默堪守谷中愚

醉中看花因思去歲之任

前人

去歲乘輶出上京軍機旦暮促前程狂花野草途中恨春

月秋風劍外情愁見瘴煙遮路色厭聞溪水下灘聲不辭

醉伴諸年少羞對紅粧白髮生

春夜樊川竹亭陪諸同年讌

項斯

相知皆是舊每恨獨遊頻幸此同芳夕寧辭倒醉身竹光
遙映燭萼粉暗飄茵明月分歸騎重來更幾春

陪韋中丞宴扈都頭花園

趙嘏

門下集作外煙橫載酒舫謝家集作公携客醉華筵尋花偶坐

將軍樹飲水方重刺史天幾曲艷歌春色裏斷集作數行高

鳥暮雲邊分明聽得與人語願及行春更一年

九日陪越州元相宴龜山寺一作亭前人

佳晨何處泛花遊丞相筵開水上頭雙影旆搖山雨霽一

聲歌一作動袞寺雲秋林花一作光靜帶高城晚湖水一作色寒

分半檻流共賀萬家逢此節可憐風物似一作蒲荆州一作晉

今年新先輩以過密之際每有一作月宴集必資清

談

前人

天上高高月桂叢分明三十一枝風滿懷春色向人動燕

路亂花迎馬紅鶴馭迴飄雲雨外蘭亭不在管絃中居然

自是前賢事何必青樓倚翠空

婺州宴晉上蕭員外

前人

雙溪樓影向雲橫歌轉高雲晚更清獨自下樓騎瘦馬搖

鞭重入亂蟬聲

集宿姚侍御宅懷東樂宰殷侍御 馬戴

石田虞芮接種柳白雲陰穴閉神蹤古河流禹鑿深樵人

應滿郭仙鳥幾巢林此會偏相語曾同雪夜吟

冬日陪同州吳常侍閑宴

前人

中天白雲散集客郡齋時陶性聊飛爵看山忽罷碁雪花
疑始霽木葉脫無遺靜裏常多暇招邀愜所思

夏日會脩行段將軍宅

顧非熊

愛君書院靜莎覆蘚堦濃連穗古藤暗領鷓幽鳥重罇前
迎遠客林杪見晴峯誰謂朱門內雲山滿座逢

廣州陪涼公從叔越臺讌集

李羣玉

一逕松梢踏石梯步窮身在白雲西日銜赤浪金車沒天
拂滄浪翠笠低高鳥散飛驚大旆長風萬里卷秋聲玉鈎
挂海笙歌合珠履三千半似泥

夜宴

温庭筠

孔雀眠高樹櫻桃拂短簷畫明金冉冉語玉纖纖細雨
無妨燭輕寒不隔簾莫將紅錦段因夢與江淹

陪李郎中夜讌

方干

間世星郎夜讌時丁丁寒漏滴聲稀琵琶絃急集作促千般
語鸚鵡盃深四散飛遍請玉容歌白雪高燒紅燭集作照
朱衣人間盛事猶如此爭遣漁翁戀釣磯

石門韋明府為置東陽潭石魚

集作鱸李群玉

錦鱗嚼釣集作解出清漣暖日江亭動繪筵疊雪亂飛消筍
底散絲繁灑拂刀前太湖浪說朱衣鮒漢浦休誇縮項鱸
俊味品流知第一更勞霜橘助芳鮮

長沙陪裴大夫夜讌

前人

東山夜讌酒成河銀燭熒煌照綺羅四面雨聲籠笑語滿

堂香氣泛笙歌冷冷玉漏初三滴灑灑金觴已半醜共向
栢臺窺雅量澄波萬頃見天和

永州陪鄭太守登舟夜宴席上各賦詩 蔣肱

江頭朱綬間青襟豈是仙舟一作州不可見一作尋誰敢強登

徐稚榻自憐還學謝安吟月疑一作疑蘭棹輕風起妓一作歌

勸金壘盡醉斟翦盡蠟紅人未覺歸時城郭晚煙深

襄陽閑居與友生夜會 皮日休

通隱悠悠世不知林園幽事適相期舊絲再上琴調晚壞

葉重燒酒煖遲三逕引時寒步月四隣偷得夜吟詩草玄

寂淡無人愛不遇劉歆更語誰

與友人對酒吟詩 杜荀鶴

憑君滿酌酒聽我醉中吟客路如天遠侯門似海深新墳

侵古道白髮戀黃金共有人間事須懷濟物心

陪湖李中丞宴隱溪 曹松

竹林啼鳥不知休羅列飛橋水亂流觸散柳絲迴玉勒約

開蓮葉上蘭舟酒邊舊侶真何遜雲裏新聲是莫愁若值

主人嫌晝短應陪秉燭夜深遊

夜飲 前人

良宵公子宴蘭堂濃麝薰人獸吐香雲帶金龍銜畫燭星

羅銀鳳馮瓊漿蒲屏珠樹開春景一曲歌聲逸翠梁席上

未知簾幕曉青娥低語指東方

駙馬宅宴罷 前人

粉墻殘月照宮祠。宴闋銀瓶一半歌。學語鶯兒飛未穩。放身斜墜綠楊枝。

此卷校正六十二字 四月二十三首

文苑英華卷第二百十六

文苑英華卷第二百十七

詩六十七

人事四

宿會七十五首

王侍中夜禁

吳均

抽蘭開石路。剪竹製山扉。文淪見綠水。參差隱翠微。西商採藥至。東都謝病歸。紡毛織野服。縫芰作山衣。欲知三青鳥。簷上素雲飛。

喜祖三至留宿

王維

門前洛陽客。下馬拂征衣。不枉故人駕。平生多掩扉。行人返深巷。積雪帶餘輝。集作早歲同袍者。高車何處歸。

河南嚴尹弟見宿弊廬訪別人賦十韻

前人見集本

上客能論道吾生學養蒙貧交世情外才子故人中冠上方安豕車邊已盡能拂衣迎五馬垂手凭雙童花醪一作和松屑茶香透竹叢薄霜澄夜月殘雪帶春風古壁蒼苔黑寒山遠燒紅眼看東候別心事北川同若學輕先輩何能訪老翁欲知今日後不樂為車公

友人會宿

李白

滌蕩千古愁留連百壺飲良夜一作宵宜清話一作談浩然一作

皓未能寢醉來卧空山天地即衾枕

此詩一百九十卷重出今已割去注異同為一作

宿陳留李少府揆廳

祖詠

相知有李集作叔卿訟簡夜彌清旅宿倦愁卧空堂聞曙更

風簾集作簷搖燭影秋雨帶蟲聲歸思那堪說悠悠集作恨

洛城

宿王昌齡隱居

常建

青溪深不測隱處惟孤雲松際露微月清光猶為君菊庭

宿花影文粹作茅亭宿花鳥藥院滋苔文余亦謝時去西山鸞鶴群

宿畢侍御宅

錢起

交情貧更好子有古人風晤語秋霜裏平生苦節同心唯

二仲合室乃一瓢空落葉寄秋菊愁雲低夜鴻薄寒燈影

外殘漏雨聲中明發南昌去迴看御史驄

秋夜宿嚴維宅

皇甫冉

昔聞玄度宅門向會稽峯居疑作君住東湖下清風繼舊蹤

秋深臨水月夜半隔山鍾世故多離別良宵詎可逢

謝盧十一過宿

前人

乞還方未遂日夕望雲林况復經逢集作春草何妨集作勞集作問

此心閉門公務散枉策故情深靜集作夜他鄉酒同君梁

甫吟

同韓一作員外宿雲門寺

嚴維

小嶺路雖近仙即此夕一作過潭空觀月定澗靜見雲多

竹翠煙深色松聲兩點和萬緣俱不有對景自垂蘿

謝一作諸公宿鏡水宅

前人

幸免低頭向府中貴將藜藿與君同陽鴈叫霜來枕上寒

山映月在湖中詩書何德名夫子草木推年長數公聞道

漢家偏長少此身那比訪芝翁

宿江西竇主簿廳與此公亡兄聯官 崔峒

廣庭方緩步星漢話中移月滿關山一作道烏一作啼霜

樹枝時艱難會合年長重親知前事成金石悽然淚欲垂

秋夜同暢當宿藏公院 盧綸

禮足一垂淚醫工知病由風螢方喜夜露槿已傷秋頽以

童子愛每從仁者遊將來一作竟何得滅跡在緇流

客舍喜崔補闕司空拾遺訪宿 前人

步月賃諸隣蓬居宿近臣烏裘先醉客清鏡早朝人懷璧

疑作煙垂網香街火照塵悲榮俱是分吾亦樂吾貧

冬夜宿司空曙野居因寄酬贈 韋應物

南北與山隣蓬庵庇一身繁霜疑有雪荒草似無人遂性
在耕稼所交唯賤貧何緣張椽傲每重德璋親

同襄子秋齋獨宿

前人

山月皎如燭風霜時動竹夜半鳥驚棲牖問人獨宿

盧新吳航忽遠至留宿弊居

戴叔倫

出門迎故友衣服滿塵埃歲月不可問山川何處來綺城
容弊宅散職寄虛臺願此留君醉相逢知幾迴

與故人夜坐道舊

權德輿

笑語歡今夕煙霞愴昔遊清羸還對月遲暮更逢秋勝理
方自得浮名不在求終當製初服相與卧林丘

夏夜宿袁兄

一作話舊

竇叔向

夜合花開香滿庭夜深微雨醉初醒集作醒非遠書珍重何曾

達舊事淒涼不可聽去日兒童皆長大昔年親友半凋零

明朝又是孤舟別愁對一作見河橋酒幔青

宿嚴秘書宅

釋清江

佳期曾不遠甲第即南鄰惠愛偏相及經過豈厭頻秋光
林葉動夕霽月華新莫話羈棲事平原是主人

晚秋宿李軍道所居

釋皎然

青溪路不遙都尉每相招落日休戎馬秋風罷謝鷗木花
生野徑栢實滿寒條永夜依山府禪心共寂寥

宿支硎寺上方

前人

上方精舍遠共宿白雲端寂寞千峯夜蕭條萬木寒山光

露下見松色月中看暫與西林別歸心却欲闌

馬兵曹季良宅夜集

前人

清景不可失尋君趣有餘
身高避事外道長問心初
出處名則異遊從跡何踈
吟看刻盡燭笑卷讀殘書
露彩生筆硯風音入庭除
平明仙侶散轂鮚動迴車

晦夜李侍御萼宅集招潘述湯上人飲茶賦詩

前人

晦夜不可坐一作生月琴軒猶為開
墻東隱者在淇上逸僧來
茗愛傳花飲詩看卷素裁
風流高此會晚景屢徘徊

秋喜盧綸訪宿

司空曙

靜夜無四隣荒居舊業貧
月集作雨中黃葉樹燈下白頭人

以我獨沉久媿君相訪頻
平生有深集作白有分况是蔡一作霍家親

秋喜盧綸同宿寺

前人

浮生共多故聚宿喜君同人
息時聞磬松搖乍有風寒霜
疑集作疑水際夜木似山中
一願投如意長來事遠公

此詩二百三十五卷重出今已削去

耿綿就宿因傷故人

前人

舊時聞笛淚今夜重沾衣
方恨同袍少何堪相見稀
竹煙凝澗壑林雪似芳菲
多謝勞車馬應憐獨掩扉

中秋與空上人同宿華嚴寺

冷朝陽見雜詠

掃榻相逢宿論詩舊梵宮
磬聲迎鼓盡月色過山窮
庭簇

安禪草窻飛帶火虫一宵何惜別回首隔秋風

宿興善寺後堂

集無此字

李端

草堂高樹下月向後池生野客如僧靜

集作同僧坐

新河共水

平錦鱗集作沉同不食繡羽亂相鳴即事思江海誰能萬里

行

秋夕會友

姚係

倦容易相失歡遊無良浪一作晨忽然一夕間稍慰闔家貧

白露下庭梧孤琴始悲辛迴風入幽草蟲響滿四隣會遇

更何時持杯重殷勤

山齋獨宿晏上人

楊衡

憧憧雲樹秋黃葉下山頭蟲響夜難一作空度夢閑神不遊

窓燈寒几盡簾雨曉堦愁何以禪栖客灰心在沃州一作洲

宿雲溪觀賦得秋燈引送客

前人

雲房寄宿秋夜客一燈熒熒照虛壁虫聲呼客客未眠幾

人語話清景側不可離別愁紛多秋燈秋燈柰別何

宿陸氏齋賦得殘燈詩

前人

殷勤照水夜屬思未成眠餘暉含薄霧落燼迸空筵誰比

秦樓曉緘愁別幌前

宿漁家

張籍

漁家住江口潮水入柴扉行客欲投宿主人猶未歸竹深

村路暗月出釣舡稀遙見尋沙岸秋風動草衣

此詩二百九十三卷重出今已削去

酬段丞與諸碁流會宿弊居見贈 元稹

鳴局寧虛日閉牕任廢時琴一作書其盡棄園井詎能窺

運石疑填海爭籌憶坐帷赤心方苦闢紅燭已先施蛇勢

縈山合鴻懸度嶺遲堂堂排直陣袞袞逼羸師懸劫偏深

猛迴征特險巖旁攻百道進死戰萬般爲異日玄黃隊今

霄黑白碁斫營看迴點對壘重相持善敗雖稱怯驕盈最

易欺狼牙當必碎虎口禍難移乘勝同三捷扶顛望一楮

希因送目便敢恃指蹤竒退引防邊策雄吟斬將詩眠床

都浪置通夕共忘疲曉雉風傳角寒叢雪墮枝繁星收玉

版殘月耀冰池僧請聞鐘粥宿催下藥卮獸炎餘炭在臘

淚短光衰俛仰嗟陳跡殷勤卜後期公私牽去住車馬各

支離分作終身癖兼從是事隳此中無限興唯怕俗人知

神照禪師同宿

白居易

八年二月晦山梨花滿枝龍門水西寺夜與遠公期宴坐

自相對密語誰能知前後際斷處一念不生時

初除主客郎中知制誥與王十一李七元八一作九

三合人中書同宿語一作舊感懷前人

閑宵靜語喜還悲聚散窮通不自知已分雲泥行異路忽

驚鷄鶴宿同枝紫垣曹署榮華地白髮郎官老醜時莫怪

不知君氣味此中來較十年遲

秋夜宿梁十三廳事

戎昱

今年秋已暮還恐未成歸夢裏家仍遠愁中葉又飛竹聲

風度急燈影月來微賴得梁夫子心源集作有所依

宿太守李公宅 于鵠

郡群齋常夜靜集作不卧獨吟詩把燭迎幽客昇堂戴接龍

微風吹凍葉殘集作雪落寒枝明日逢山伴須令隱者知

雨中喜賈島訪宿 姚合

雨裏難逢客閑吟不復眠虫聲秋併起林色夜相連愛酒

此生理趨朝末未老前終須携手去滄海棹漁船

洛下夜會寄賈島 前人

洛下工集作詩客相逢只是吟夜觴歡稍靜寒屋坐多深

鳥府偶為吏滄江長在心懷君難就寢燭滅復星沉

夜宴一作太僕田卿宅 前人

故人九寺長邀我此同歡末夜開筵盡中年飲酒難微風

侵燭影疊漏過林端臘後分朝日天明幾刻殘

宿友人山居 前人

偶向山中覓紫芝山人勾引住多時摘花浸酒春秋盡燒

竹煎茶夜卧遲泉落林梢多碎滴松生澗底足傍枝明朝

却欲歸城市問我回期自不知

夜集姚合宅期可公不至 賈島

公堂春一作雨夜已是念園林何事疾病日重論山水心

孤燈明臘後微雨下更深釋子垂來約泉西寒磬音

宿姚少府北齋 前人

石溪同夜泛復此北齋期鳥絕吏歸後蛩鳴客卧時鎖城

憶一作

涼雨細開印曙鍾遲憶此漳川岸如今是別離

冬日與諸公會宿姚端公宅懷求樂殷侍御

侵曉集作僧無可

柱史靜開筵所思何地偏故人為縣吏五老遠峯前賓榻

寒侵曉集作公庭夜落泉會當隨假務一就白雲禪

多晚與諸文士會太僕田卿宅 前人

從容一作啓華館饌玉復燒蘭是歲茲旬盡青宵幾客殘

燈迴松竹動人息斗牛寒別後思吟集須期月再圓

同劉秀才宿見贈 前人

浮雲流水深只是愛山林共恨多年別相逢一夜吟既能

持苦節勿謂少知音憶就西池宿月圓松竹深

冬夜與蔡校書宿無可上人院 劉得仁

儒釋偶同宿夜窓寒更清忘機於世久晤語恐集作天明

月對集作高松影風延一磬聲真門猶是幻不用覺浮生

秋日同僧宿西池 前人

菡萏編一作秋水隔林香似焚僧同池上宿霞向月邊分

岸鷺集作栖蒲立城砧接曙聞來宵莫他宿重此話孤雲

冬日喜同志宿 前人

相逢話清夜言實轉相知共道名雖切唯論命不疑吟身

坐霜石眠鳥控風枝別憶天台客煙霞昔有期

宿帝律集作山居 前人

水夕見招宿詩書盈集作草堂靜吟傾藥酒高論出名塲

窓颯松篁韻庭蕪雪月光心期身未老一去泛瀟湘

秋夜喜友人宿

前人

莫話春闈事清宵且醉集作但共吟頻年遺我輩有日值公心

通集作曙天傾斗將寒葉墜林無為簪綬意從古貴知音

迴中夜訪獨孤從事

前人

滿庭霜月魄風靜絕纖聞邊境時無事一作州城夜訪君

推裘聽塞角酌甌一作話湘雲贊佐元戎美恩齊十萬軍

宿友生林居因懷賈區

于武陵

繞屋樹森森多栖紫閣禽暫過當末夜微得話前心入楚

行應遠經湘恨必深那堪對寒燭更賦別離吟

與無可賈島宿姚少府宅

朱慶餘

莫厭通宵話貧中聚會難堂虛雪氣入燈在漏聲殘役思

因成疾一作當禪豈覺寒開門各有事誰不惜餘歡

雪夜與真上人宿韓協律宅

前人

斜雪微霑砌空堂夜語清逆風孤漏短迴燭向樓明盥漱

隨禪伴謳吟得野情此歡那敢忘世貴丈夫名

宿陳處士書齋

前人

結茅當此地下馬見高情菰菜高塘淺集作杉光小徑集

作白明向燈集作新茗色隔雪遠鍾聲閑得相逢少吟多

寢不成塘淺塘集作杉光小徑集作向燈集作

同朱慶餘宿僧房

周賀

溪僧還共謁相與坐寒天屋雪凌高燭山茶稱遠泉夜清

集作更徹寺空閣鴈衝煙莫惜多時坐集作重來又隔年

宿李樞書齋

前人

書齋經暮雨四面絕纖埃眠客聞風覺飛蟲入燭來夜涼
書讀遍月正戶開金住遠稀相見番連宿始迴

秋宿徐處士宅懷少室

前人

曾居少室黃河上秋夢長懸未得迴扶病半年離水石思
歸一夜隔風雷空齋幾遇僧眠後野菊曾經鹿踐來燈下
此心君共說倚松孤徑已生苔

同賈島宿無可上人院

雍陶

何處銷愁宿寂携囊就遠僧中宵吟有雪空屋語無燈靜鏡
唯聞鐸寒牀但枕肱還因愛閑客始得見南能

鈞本作靜覺

雪夜與友人同宿曉寄近隣

見一百五十二卷

温庭筠

宿秦生山齋

前人

衡巫路不同結室在東峯歲晚得支遁夜寒逢戴顓龕燈
落葉寺山雪隔林鍾行解一作行李又作戒行無由發曹溪欲施春

此詩三百十七卷重出今已削去

宿何書記先輩延福新居

趙嘏

松下有琴閑未收一燈高為石集作叢留詩情似到山家
夜樹色輕含御水秋小榼提携終集作未日半班集作容
鬢漫生愁因君撫掌問時俗紫閣堆簷不舉頭

李侍御歸山同宿華嚴寺

前人

家有青山近玉京風流柱史早知名園林手植自含綠霄

漢眼看當去程處處白雲迷駐馬家家紅樹近流鶯相逢
一宿最高寺夜夜翠微泉一作落聲

集宿姚殿中宅期僧無可不至 馬戴

殿中日一作殿內臣相命開樽話舊時餘鐘催鳥絕積雪阻僧

期林靜寒光一作聲遠天陰曙色遲今宵復何夕人謁去難

追集作鳴珮出難隨

此詩二百二十三卷重出今已削去注異同為一作

宿賈島原居集作寺賈島原東居 前人

塞鴈過原急渚邊秋色深煙霞向海島風雨宿園林俱住

明時願同懷故國心集作共許貧交久猶憐外事侵未能先隱跡聊集作

此一相尋

新秋霽後宿王處士居 前人

夕陽逢一雨夜木洗清陰露氣竹窓靜秋光月色深煎茶

靈草味話友故山心得意兩不寐微風吟玉琴

洛陽寒夜姚侍御宅宿憶賈島 前人

夜來寒色動集作夜樹動寒色洛陽城闕深如何異鄉思更抱故

人心微月嵩山遠閑塔霜霰集作露侵誰知石門橋集作路待

子與相尋集作待與子同尋

宿崔邵池陽別墅 前人

揚柳色已故郊原日復低煙生寒樹上霞散遠山西待月

人相對驚風鴈不齊此心君莫問舊國去將迷

答鄧坊集作時友人同宿見示 前人

集作薄亂

集作殘月關

一作雲月 一作窺吹

集作一去

為客自堪悲風塵日滿衣承明無計入舊隱但懷歸雪積
孤城暗燈殘曉角微相逢喜同宿此地故人稀

秋夜宿秘書姚監宅

李頎

高樹密濛濛開樓待遠風集作樹宅多佳木先來有好風情閑眠闕下夢

野到山中露色浮寒瓦螢光墜暗叢聽吟麗句盡河漢轉

虛空集作在

隱巖陪鄭少師夜坐

張喬

幸喜陪騶馭頻來向此宵硯磨清澗石厨爨白雲樵竹外

村煙細燈中禁漏遙衣冠與文理靜話對前朝

宿劉溫書齋

周朴

不掩盈牖月天然格調高涼風移蟋蟀落葉在離騷迴筆

挑燈燼懸圖見海濤因論三國志空載幾英豪

集作樓 暑銷 集作庭 香燈

此卷校正一百二十六字 四月二十三日

文苑英華卷第二百十七

文苑英華卷第二百十八

詩六十八

人事五

逢遇六十八首

江上暫別蕭四劉三旋欣接遇 陳子昂

昨夜滄江別言乘集作天漢遊寧期此相遇尚接武陵州

結綬還逢育銜盃且對劉波潭一瀾瀾臨望幾悠悠山水

丹青雜煙雲紫翠浮終愧神仙女來接野人舟

遇荊州崔兵曹使 前人

輶軒鳳凰使林藪鷓鴣冠江湖一相許雲霧坐交歡興盡

崔亭伯言忘釋道安秋光稍欲暮歲物已將闌古樹蒼煙

斷虛庭白露寒琴中集作山水曲今日為君彈

遇崔司議泰之冀侍御珪二使 前人

謝病南山下幽卧不知春使星入東井云是故交親惠風吹寶瑟微月憶清真憑軒一畱醉江海寄情人

除夜樂城逢孟浩然 張子容

遠客襄陽郡來過海伴家罇開栢葉酒燈發九枝花妙曲逢盧女高才得孟嘉東山行樂意非是競繁華

鄭果州相過 王維

斜麗集作日照殘春初時集作晴草木新床前磨鏡客樹下集作裏灌園人五馬驚窮巷雙童逐老身厨中集作辦飯常

恐集作阮家貧

若耶溪逢孔九此詩已見一百六十六卷 蔡母潛

旅次丹陽郡遇康侍御宣慰召募兼別岑單父

劉長卿

客心募一作千里廻首煙花繁楚水度集作渡歸夢春江集作

春連故園羈人懷上國驕虜窺中原胡馬蹙為害漢臣多

負恩羽書晝夜飛海集作內風塵昏雙鬢日已白孤舟心

可論繡衣從北來汗馬宣王言憂憤激忠勇悲歡被黎元

南徐爭赴難發卒如雲屯倚劔看太白洗兵臨海門故人

亦滄洲少別堪傷魂積翠下京口歸潮落山根如何天外

帆入此波上罇空使憶君處鶯聲催淚痕

湖上遇鄭田

前人

故人青雲器何意常窘迫五十猶布衣憐君已頭白誰言

此相見暫得話疇昔舊業今已無還鄉反為客扁舟君獨
往桂斗集作酒君自適滄海不可涯孤帆去無跡盃中忽復
醉湖上生新魄湛湛江色寒濛濛水雲夕風波易迢遞千
里如咫尺迴首人已遙南看楚天曠

穆陵關北逢人歸漁陽

前人

逢君穆陵路匹馬向桑乾楚國蒼山古幽州白日寒城池
百戰後蒼舊幾人家集作殘處處蓬蒿遍野集作人掩淚看

宋中遇陳兼集作

高適

常忝集作鮑叔義所寄王佐才如何守苦節獨自集作無

良媒離別十年外飄蓬千里來安能集作罷官後惟見柴

門開窮巷隱東郭高堂詠南陔籬根長花草井口生集作

莓苔伊昔望雲漢于今倦蒿萊男兒須集作達命且醉手
中盃

宋中遇劉書記

前人

何代無秀士高門生此才森然覩毫髮若見江山來幾載
困常調一朝時運催白身謁明主待詔登雲臺相逢梁宋
間與我醉蒿萊寒楚眇千里雪天閉集作不開末路終離
別不能強悲哀男兒爭富貴勸爾莫遲迴

平臺夜遇李景參有別

前人

離憂忽浩集作然策馬對秋天孟諸薄暮涼風起歸客

相逢渡睢水憶昨集作携手已集作十年明集作日分途

各千里歲物蕭條滿路歧此行浩蕩令人悲家貧羨爾有

微祿欲往從之何所之

此詩二百八十七卷重出今已削去

逢謝偃

前人

紅顏創為別白髮始相逢唯餘昔時慮無復昔時容

長安逢故人

郎士元

數年音信斷不意在長安馬上相逢久人中欲認難一官
今懶道雙鬢竟羞看莫問生涯事只應持釣竿

逢莊納因贈

皇甫冉

世故還相見天涯共向東春歸江海上人老別離中郡吏
名何晚沙鷗道自同甘泉須早獻且莫嘆飄蓬

渭上逢李藏器移家東郡

耿緯

求谷須有援學稼又無田故國三千里新春集作深宮五十年
移家還作客避地莫知賢東路今何處風帆去渺然

此詩又見二百七十五卷有數字不同

巴陵郭逢洛陽故人

前人

因君知世事流浪已忘機久客多人厭高年衆病歸連雲
湖色遠度雪鴈聲稀又說家林盡淒傷淚滿衣

春色遇李侍郎

盧綸

高柳滿春城東園有鳥聲折花朝露滴漱石野泉清心許
陶家醉詩逢謝客呈應憐未行吏曾是魯諸生

關口逢徐遇

前人

廢寺連荒壘那知見子真關城夜有雪冰渡曉無人酒裏

集作
德非
皆

文苑英華

四
五

唯多集作移病山中願作隣嘗聞兄弟樂唯見謝家貧

逢楊開府

韋應物

少事武皇帝無賴恃恩私身作里中橫家藏亡命兒朝耕

集作特又作折樛蒲局暮竊東隣姬司隸不敢捕立在集作登白玉

墀驪山風雨集作雪夜長楊羽獵時一字都未集作不識飲酒

肆頑癡武皇昇仙去憔悴被人欺讀書事已晚把筆學題

詩兩府始收籍南宮謬見推非才果不容出守撫惇婆忽

逢楊開府論舊涕俱垂座客何由識唯有故人知

廣陵遇孟雲卿作

前人

雄藩本帝都遊士多俊賢夾河樹鬱鬱華館千里連親集作

新知雖滿堂中意頗未宜忽逢翰林友歡樂斗酒前高文

激頰波四海靡不傳西施且一笑眾女安得妍明月滿淮

海哀鴻遊集作逝長天所念京國遠我來君又旋

長安遇馮著作

前人

客從東方來衣上灞陵雨問客何謂集作為來采山因買斧

冥冥花正開颺颺鶯新乳昨別今已春鬢絲生幾縷

漢南遇方評事

詩選作襄州遇房評事由

戴叔倫

移家住漢陰不復問一作向華簪貫酒宜城近燒田夢澤深

暮山逢鳥入寒水見魚沉與物皆無累終年愜本心

京口逢皇甫司馬副端

前人

潮水忽復至雲帆儼欲飛故園雙闕下佐官十年歸晚景

照華髮一作日涼風吹別衣淹留更一醉老去莫相違

汝南逢董校書

前人

擾擾倦行役相逢陳蔡間集作何為如何百年內不見一人閑

對酒惜餘景問程愁亂山秋風萬里至集作道又度集作出穆

陵關

此詩二百八十七卷重出今已削去

逢友生言懷

集作別

前人

安親非避地羈旅十餘年道長時流許家貧故舊憐相逢今歲暮遠別一方偏去住俱難說江湖正渺然

逢許評事

前人

萬里楊柳色出關逢故人輕煙拂流水落日照行塵積夢江海濶憶家兄弟貧徘徊灞亭上不語共傷春

嶺上逢久別者又別

權德輿

十年曾一別

集作路

相逢馬首向何處夕陽千萬峯

逢友人之上都

釋法震

玉帛徵賢楚客稀猿啼相送武陵歸潮頭望入桃花去一片春帆帶雨飛

逢江客問南中故人因以詩寄

司空曙

南客何時去相逢問故人望鄉空淚落嗜酒轉家貧踈懶辭微祿東西任老身上樓多看月臨水共傷春五柳終期隱雙鷗自可親應憐折腰吏冉冉在風塵

冬日逢馮法曹話懷

冷朝陽

分襟二年内多少事相干禮樂風全變塵埃路漸難秋林

新葉落霜月蒲庭寒雖喜逢知己他鄉歲又闌

中峯歸喜見苗發集作雲齊中峯寺已見一百六十五卷李端

江上逢司空曙 前人

共有髫年故相逢萬里餘新春兩行淚舊國一封書夏口

帆初泊衡陽鴈正踈唯應執盃酒暫食漢江魚

京西遇舊職集作識兼送往隴州 姚係

蟬鳴一何急日暮秋風樹即此不勝愁隴陰人更去相逢

與相失共是亡羊路

徵還京師見舊番官馮叔達 劉禹錫

前者忽忽襍被行十年憔悴到京城南宮舊吏來相問何

處淹留白髮生

嶺表集作外逢故人 張籍

過嶺萬餘里旅遊經此稀相逢去家遠共說幾時歸海上

見花發瘴中無鴈飛炎塗集作州望行集作鄉伴相集作自識北

人衣

途中逢陽陟集作起見一百八卷 于鵠

逢張十八員外籍 白居易

旅思正茫茫相逢此路傍晚晚風林葉暗秋露草花香白髮

江城守青山水部郎客亭問集作同宿處忽似夜歸鄉

逢舊 前人

久別偶相逢俱疑是夢中即今歡樂事放盞又成空

逢傳陵故人彭兵曹 賈島

曲陽分散會京華見說三年住海涯別後解餐蓬藟子向
前未識牡丹花偶逢日者教求祿終傍泉聲擬致家踏雪
携琴集作相就宿夜深開戶月光集作斜

逢呂上山人

劉得仁

塵裏正愁老相逢眼益明從前枉多病此後解跡名古栢
今收子深山許事兄長生如有分願逐到蓬瀛

夜行次東關

一作行次

逢魏扶東歸

許渾

南北斷蓬飄長亭酒一瓢殘雲歸太華踈雨過中條樹色
隨關迥河聲入塞一作遙勞歌此分首一作風急馬蕭蕭

此詩二百九十八卷重出今已削去異同註為一作

廣陵道逢方于

周賀

野客行無定全家在渭東寄懷一作僧閣迥贈別索金空
舊業千山隔歸舟百計同藥資如有分相約老丘中

逢僧

前人

帶疾稀相見西城早晚來山房一作風壞衲香鑪雨露灰
坐久鍾聲靜談餘嶽影迴却思同宿夜高枕話天台

泗上逢韓司徒歸北

前人

多病十年無舊識滄州亂後只逢君已知罷秩辭瀧水相
勸移家住嶽雲泗上旅帆侵疊浪雪中歸路踏荒墳更為
此別愁應老書札何由到北軍

秦中逢王處士

趙嘏

萬水東流去不迴先生獨自負仙才藥宮橫浪海邊別鶴

翅駐雲天上來幾處吹簫森羽衛誰家殘月下樓臺春風
正好分瓊液乞取當時白玉杯

江上逢許逸人

前人

是非處處生塵埃唯君襟抱無嫌猜收帆依鴈溢浦宿帶
雨別僧衡嶽迴芳罇稍駐落日唱醉袖更拂長雲開清秋
華髮好相似却把釣竿歸去來

落第後歸喜逢僧再陽

項斯

相逢雖強笑人世別離頻曉去長侵月歸鄉動隔春見僧
心暫靜從俗事多屯宇宙詩名小山河客路新翠桐猶入
爨青鏡未辭塵逸足常思驥隨羣自退鱗宴乖紅杏寺愁
在綠楊津老病難爲樂開眉賴故人

岐陽逢曲陽故人話舊

馬戴

異地還相見平生分可知壯年俱欲暮往事盡堪悲道路
頻艱阻親朋久別離解兵逃白刃謁帝值明時淹疾生涯
故因官世業移鷄鳴關月落鴈度朔風吹客淚翻岐下鄉
心落海湄積愁何計遣蒲酌浣相思

沂上款舊友

前人

斗酒故人同長歌起北風斜陽一作日斜高壘閉秋角暮山空
鴈宿寒流上螢飛淡霧中坐來憂白髮况復久從戎

邊館逢賀秀才

前人

貧病無踈我與君不知何事又離羣鹿裘共敝同爲客龍
闕將移擬獻文空館夕陽鷗繞樹荒城寒色鴈和雲不堪

吟斷邊笳曉葉落東西客又分

蜀中逢故人

李頰

自古有行役無人免別家相寬須陌上一醉任天涯積疊山藏蜀縈紆水遶巴他年又何處共說海棠花

漢上逢崔八同年

前人

去歲同遊帝里春杏花過後各離秦偶先託質從知己獨未還家作旅人世上路岐何繚繞空中光景不逡巡一廻相見一廻別更得幾廻一作年少身

商於逢友人

喻坦之

行役何時了年年骨肉分春風來漢棹雪路入商雲水險溪難定林寒鳥異羣相逢聊坐石啼狔語中聞

灞上逢故人

前人

花落杏園枝驅車問路岐人情誰可會身事自堪疑嶽雨狂雷送溪槎漲水吹家山如此景幾處憶相隨

金陵逢張喬

楊夔

殊鄉會面時辛苦兩情知有志年空過無媒命共竒吟餘春漏急語舊酒巡遲天爵如堪倚休驚鬢上絲

江上逢進士許棠

張喬

詩人誰上第新榜又無君鶴髮他鄉老漁歌故國聞平江流曉月獨島絆餘雲且了髫年志沙鷗未可羣

逢漳州崔使君北歸

張蠩

在羣多殊稱無人不望回離城携客去度一作嶺擔來

障寫經冬藥瓶緘落暑梅長安有歸宅歸見鎖青苔

雲朔逢山友

前人

會面却生疑明然似夢歸塞深行客少家遠識人稀戰馬
分旗牧驚禽曳箭飛將軍雖異禮難便一作脫麻衣

途中逢孫路因得李頰消息

方干

灞上寒仍在柔條亦自新山河雖度臘雨雪未知春正憶
同袍者堪逢共國人銜盃亦一作益無語與爾轉相親

江上逢故人

陳陶

十年蓬轉金陵道長笑青雲身不早故里相逢盡白頭青
江顏色何曾老

河上逢友人

羅鄴

知君意不淺立馬問生涯舊業無歸地他鄉便是家宵吟
憐桂魄朝起怯菱花語盡黃河上西風日又斜

吳門再逢方干處士

前人

天上高名一作才世上身垂綸何不駕蒲輪一朝卿相俱前
席千古篇章冠後人稽嶺不歸空挂夢吳一作鷺宮相值欲

沾巾吾王若致昇平化可獨成周只渭濱

大梁見喬詡

羅隱

湘水春浮岸淮燈夜蒲橋六年悲梗斷兩地各萍漂刀筆
依三事篇章奏弭貂跡卑其汨沒名散稱逍遙好寺松為
徑空江桂作橈野香花伴落缸暖酒和燒晉沼尋遊鳳秦
冠竟歎鴟骨凡鷄犬薄翬斷蕙蘭招悵望添燕瑄蹉跎戩

魯瓢敗桐方委爨，寃匣正衝宵戰代。疑作安釐國封崇孝，
景朝千年非有限。一醉解無聊，漏末燈花暗。爐紅雪片銷，
久遊家共遠。相對鬢俱凋，運命從難合。光陰柰不饒，到頭
篔簹契雨信釣魚潮。

鍾陵見進士楊尋

前人

孺亭滕閣少踟躕，三度南遊一事無。只覺流年如鳥逝，不
知何處有龍屠。雲歸洪井枝柯斂，水下章江氣色麤。賴得
與君同此醉，醒來一作醒愁被鬼椰榆。

湘中見進士喬詡

前人

吳公臺下別經秋，破虜城邊暫駐留。一笑有時堪解夢，數
年無故不同遊。雲牽楚思橫魚艇，柳送鄉心入酒樓。且酌
松醪依舊醉，誰能相見向春愁。

錢塘見芮逢

前人

蔡倫池北鴈峯前，離集作亂相兼。十九年所喜，故人猶會
面。不堪良牧已重泉，醉思把筯敲集作歌。席狂憶判身入
酒船，今日與君贏得在戴家灣裏兩備然。

見王貞白

裴說

共賀登科後，明宣入紫宸。又看重試榜，還見苦吟人。此得
名渾別歸來話，亦新分明一枝桂。堪動楚江濱。

此卷校正三十六字 四月二十三日

文苑英華卷第二百十八

文苑英華卷第二百十九

詩六十九

釋門一五十一首

何遜一首

劉孝先一首

蕭子雲一首

孔德紹一首

武三思一首

蘇味道一首

宋之問三首

王維二首

遜逖一首

孟浩然二首

杜甫一首

李白二首

王昌齡二首

劉長卿九首

張謂二首

岑參三首

李嘉祐二首

錢起四首

皇甫曾七首

皇甫冉一首

張南史三首

富陽浦口和朗上人

梁何遜

客心愁日暮。徙倚空望歸。山煙斂樹色。江水映霞輝。獨鶴
凌空集作逝。雙鳧出浪飛。故鄉千餘里。茲夕寒無衣。

草堂寺尋無名法師

梁劉孝先

飛鏡點青天

古詩曰破鏡飛上天

橫照滿樓前

一作空

林生夜冷複

閣上霄煙葉動花中露。湍鳴閣疑作裏泉。竹風聲若雨。山
蟲聽似蟬。摘果仍荷藉。酌水用花傳。一卮一作盃聊自飲。萬
事且蕭然。

贈海法師還甌山

梁蕭子雲

直心好丘壑。偏悅幽棲人。忽聞甌山旅一作嵩里自相親。
沈寥晚霖霽。重疊晴雲新。秋至蟬鳴柳。風高路起塵。動余
憶山思。惆悵惜荷巾。

送舍利宿定晉巖

隋孔德紹

仁祠表虛曠。祗園展肅恭。棲息翠微嶺。登頓白雲峯。映流
看夜月。臨風聽曉鍾。澗芳千步草。崖陰百丈松。蕭然遙路
絕。無復市朝蹤。

秋日於天中寺尋復禮上人

唐武三思

妙域三時殿。香巖七淨一作寶宮。金繩先界道。玉柄即談空。
喻棧知何極。傳燈竟不窮。彌天高義遠。初地勝因通。理詣
歸一處。心行不二中。有無雙惑遣。真倍兩緣同。摘葉疑焚

翠投花若散一作棄紅網珠遙映日簷鐸近吟風定沼寒光
素禪枝暝色葱蔥願隨方便力長冀釋塵籠

和武三思於中天寺尋復禮上人之作 蘇味道

藩戚三雍暇禪居二室隈忽聞從桂苑移步踐花臺敏學

推多藝高談屬辨才是非寧滯着空有掠嫌猜五術幽機

暢三番妙鍵開味同甘露酒香似朔風來砌古留方石池

清辨燒灰人尋鶴州返月逐虎溪迴一作企連躅瞻飛蓋攀

游想玉一作渡杯願陪為善樂從此去塵埃

自衡陽至韶州謁能禪師 宋之問

謫居窺集作窳炎壑孤帆森不繫別家萬里餘流日三春際

猿啼一作鳴山館曉虹飲江皞霽湘岸竹泉幽行峯石困集作

閉嶺嶂窮攀越風濤極沿濟吾師在韶陽欣此得躬詣

洗慮賓空寂焚香結精集作清誓願以有漏軀聿薰無生惠

物用益冲曠心源日閑細伊我獲此途游道悔晚計宗師

信捨法擯落文史藝坐禪羅浮中尋異窮集作南海裔何辭

禦魑魅自可乘炎癘迴首望舊鄉雲林浩虧蔽不作別離

苦歸期多年歲

見南山夕陽召鑒師不至 前人

夕陽黯晴碧集作暮山翠互明滅此中意無限要與開士說

徒鬱仲舉思誰集作詎迴道林轍孤興欲待誰集作誰待待此湖

上月

浣紗篇贈陸上人 前人

越女顏如花越王聞浣紗國微不自寵獻作吳宮娃女藪
半潛匿苧蘿更蒙遮一行霸勾踐再顧傾夫差訖色奪常
人效頰亦相誇一朝還舊都靚粧尋若耶鳥驚入松網魚
畏沉荷花始覺冶容妄方悟群心邪欽子秉幽意世人共
稱嗟願言托君懷託儻類蓬生麻家住雷門曲高閣凌飛霞
淋漓翠羽帳旖旎綵雲車春風艷楚舞秋月綿一作胡笳
自昔專嬌愛襲玩唯矜奢達本知空寂棄彼猶泥沙未割
偏執性自長薰脩牙携妾不障道來止妾西家

夏日過青龍寺謁操禪師

王維

龍鍾一老翁徐步謁禪宮欲問義心義遙知空病空山河
天眼裏世界法身中莫恠銷炎熱能生大地風

飯覆金山僧

前人

晚知清淨一作靜理日與人群踈將候遠山僧先期掃弊廡
果從雲峯裏顧我蓬蒿居藉草飯松屑焚香看道書燃燈
晝欲盡鳴磬夜方初一悟寂爲樂此生閑有餘思歸何必
深身世猶空虛

送新羅法師還國

孫逖

異域今無外高僧代集作世所稀苦心歸集作窮寂滅宴坐得
精微持鉢何年至傳燈是日歸上卿揮別操一作藻中禁下
禪衣海闊杯還度雲遙錫更飛此行迷處所何以慰虔祈

秦中感秋寄遠上人

孟浩然

一丘常欲卧三徑苦無資北山一作上非吾願東林懷我師

黃金燃桂盡壯志逐年衰日一作夕涼風至聞蟬但益悲

尋香山湛上人

前人

朝遊訪名山山遠若一作若空翠氣氤氳百里日入行始

至谷口聞鍾聲林端識香氣杖策尋故人解鞍暫停騎石

門殊豁險篁逕一作逕轉森邃法侶欣相逢清談曉不寐平

生慕真隱累日探靈異野老朝入田一作雲山僧慕歸寺松

泉多清集作逸響苔壁饒古意願言投此山身世未集作相

棄

別贛上人

杜甫

百川日東流客去亦不息我生苦漂蕩何時有終極贛公

釋門老放逐來上國還為世塵嬰頗帶憔悴色楊枝晨在

手且子雨已熟是身如浮雲安可限南北異縣逢舊交集

友初忻為胃臆天長關塞遠集作寒歲暮饑寒集作凍遍野風

吹征衣欲別向曛黑馬鳴集作嘶思故櫪歸鳥盡歛翼古來

聚散地宿昔長荆棘相看俱衰年出處各努力

答姪僧中孚贈玉泉仙人掌茶 李白

常聞玉泉山山洞多乳窟仙鼠如白鶴倒懸深溪月茗生

此中石玉泉流不歇根柯灑芳津採服潤肌骨楚老卷綠

葉枝枝相接連曝成仙人掌似拍洪崖肩舉世未見之其

名定誰傳宗英乃禪客集作伯投僧有佳篇清鏡燭無鹽顧

慙西子妍朝坐有餘興長吟播諸天

別東林寺山僧

前人

東林送客處月出白猿啼笑別廬山遠何煩過虎溪

送東林蕙上人歸廬山

王昌齡

石溪流已亂苔徑人漸微日暮東林下山僧還獨歸昔為廬峯意况與遠公違道性深寂寞世情多是非會尋名山去豈復望清輝

遇薛明府謁聰上人

前人

欣逢柏梁故共謁聰公禪石室無人到繩床見虎眠陰崖常抱雪枯澗為生泉出處雖云異同歡在法筵

送少微上人遊天台

劉長卿

石橋人不到獨往更迢迢乞食山家少尋鍾野寺遙松門風自掃瀑布雪難鎖秋夜聞清梵餘音逐海潮

送靈澈上人歸嵩陽蘭巖

前人

南地隨緣又東林幾歲空暮山門獨掩青集作春草路難通作梵連松韻焚香入桂叢唯將舊瓶鉢却寄白雲中

送道標上人歸南嶽

前人

悠悠集作然倚孤棹却憶卧中林江草行將集作將歸遠湘山獨往深白雲留不住綠水去無心衡嶽千峯亂禪房何處尋

送勤照和尚往睢陽赴太守請

前人

燃燈傳七祖杖錫為諸侯來去集作去住雲無意東西水自流青山春滿目白月夜隨舟知到梁園下蒼生賴集作春此遊

初夜集作至

碧澗招明契上人

前人

漸老知身累初寒曝背眠白雲留未日黃葉減餘年徠護

窓前樹泉澆谷口田沃州能共隱不用道林錢

秋夜肅公房喜普門上人自陽羨山至 前人

山棲久不見林下偶同遊早晚來香積何人住沃洲寒禽

驚後夜古木帶高秋却入千峯去孤雲不可留

禪智寺上方懷演和尚寺即和尚所創 前人

絕巘東林寺高僧惠遠公買園隋苑下持集作持鉢楚城中

斗極千燈近煙波萬井通遠山低月殿寒木露花宮緝宇

燒香靜滄洲罷集作罷霧空鴈來秋色裏曙起早潮東飛錫

今何在蒼生待發蒙白雲飛送客黃集作黃葉自辭風捨後

追開士迴舟狎釣翁平生江海意唯共白鷗同

送靈澈上人還越中 前人

禪客無心杖錫還沃洲深處草堂閑身隨弊履集作履經殘

雪手綻寒衣入舊山獨向清溪依樹下空留白月在人間

那堪別後集作別後長相憶雲木蒼蒼但閉關

送惠法師遊天台因懷知太師故居 前人

翠屏瀑布集作瀑布知何在鳥道猿啼過幾重落日獨搖金策

去深山誰向石橋逢定攀巖下集作下叢生桂欲買雲中若

箇峯憶想東林禪誦處寂寥唯聽舊時鍾

送僧 張謂

童子學脩道誦經求出家手持貝多葉心念優曇花得度

一作北洲近隨緣東路賒一身求清靜百毳納袈裟鍾嶺

更飛錫爐峯期結跏深心大海水廣願度恒沙此去不堪

陳三

別彼行安可涯慙慙結香火來世上牛車

送青龍一公

前人

事佛輕金印勤王度玉關不知從樹下還肯到人間楚水青蓮淨吳門白日閑聖朝須助理絕莫愛東山

偃歸東與韓樽同詣暉上人即事 岑參

山陰老僧解楞伽潁陽歸客遠相過煙深草濕昨夜雨雨後秋風渡漕河空山終日塵事少出一作平郊遠見人行緲

一作小尚書磧上黃昏鍾別駕渡頭一歸鳥

寄青城龍溪鳥道人

前人

五嶽之丈人西望青憐憐雲開露崖嶠百里見石稜龍溪盤中峯上有蓮花僧絕頂少蘭若四時嵐翠凝身同雲虛

無心與溪清澈誦戒龍每聽賦詩人則稱衫風冷袈裟石壁懸孤燈又欲謝微祿誓將歸大乘願聞開士說庶以心相應

晚過盤石寺禮鄭和尚

前人

暫詣高僧話來尋野寺孤崖花藏水碓溪竹映風鑪頂上巢新鵲衣中帶舊珠談禪未得去輟棹且踟躕

送弘志上人歸湖州

李嘉祐

山林唯好靜行住不妨禪高月穿松徑殘陽過水泉一作田詩從宿世悟法為本師傳能使南人敬脩持香火緣

同皇甫冉赴官留別靈一上人 前人

法許廬山遠詩傳休上人獨歸雙樹宿靜與百花親對酒

集作

集作須留與觀空已悟身能令折腰客遙賞竹房春

山齋獨坐喜玄上人見訪二字一作至錢起

舍下虎溪逕煙霞入暝開柴門蕪竹靜山月與僧來心瑩紅蓮水言忘綠茗杯前峯曙更好集作早斜漢欲西迴

靜夜酬通上人問疾 前人

東林生早涼高枕遠公房大士看心後中宵滴漏長驚蟬出暗柳微月映迴廊何事沉痾久含毫問藥王

送僧歸日本 前人

上國隨緣去集作至東來集作來途若夢行浮天滄海遠去世法

舟輕水月通禪觀魚龍聽梵聲唯憐塔燈影萬里眼中明

送外孫一作從孫懷素師還鄉觀省素善草書此詩觀人二百八十四卷前人

贈鑒上人 皇甫曾

律儀傳教誘僧臘老煙宵樹色依禪誦泉聲入寂寥寶龕經未劫盡壁見南朝深竹風開合寒潭月動搖息心歸靜理愛道坐中宵更欲尋真去乘船過海潮

西陵寄一公 前人

西陵遇風雨集作風處自古是通津終日空江上雲山若待入汀洲寒事早魚鳥興情新西望稽山路吾心有所親

題贈雲門邕一作上人此詩見二百三十五卷前人

秋夕寄懷契上人 前人

已見槿花朝委露獨悲憔悴在人群真僧出世心無事靜夜名香手自焚窓臨絕澗聞流水客至孤峯掃白雲更想

清晨誦經處獨看松上雨紛紛

送著公歸越

前人

誰能愁此別到越會相逢長憶雲門寺門前千萬峯石床
埋積雪山路倒枯松莫學白衣士無人知去蹤

送普門上人還陽羨

前人

花宮雖集作難久別道者憶千燈殘雪入林路暮山歸寺僧
日光依嫩草泉響滴春冰何用求方便看心是一乘

同杜相公對山僧

前人

吏散重門掩僧來閣復閑遠心馳北闕春興寄東山草長
風光裏鶯啼靜默間芳晨不可駐惆悵暮禽還

送延陵法師往上都

皇甫冉

延陵初罷講建業去隨緣翻譯推多學壇場最少年浣衣
隨野水乞食向人煙遍禮南峯頂焚香古像前

西陵懷靈一上人兼寄朱放

張南史

淮海風濤起江關憂思長同悲鵲遶樹獨坐鴈隨陽山晚
雲藏一作和雪汀寒月照霜由來濯纓處漁父愛滄浪

寄靜虛上人雲門

前人

寒日白雲裏法侶自提携竹徑通城下松門隔水西方同
沃洲去不自武陵迷鬢髮心疑處一作知高峯是會稽

秋夜聞鴈寄南十五兼呈空和尚

前人

晚節聞君道趣深結茅栽樹近東林一作禪大師幾度曾摩
頂高士何年更發心北渚三更聞過鴈西城萬木動寒砧

不見支公與玄度相思擁膝坐長吟

此卷校正四十九字 四月二十三日沃未記

又苑英華卷第二百十九

文苑英華卷第二百二十

詩七十

釋門二六十五首

即仕元三首

顧况三首

耿緯三首

司空曙七首

冷朝陽二首

李益一首

李端三首

盧綸六首

常應物四首

嚴維四首

崔峒二首

釋清江三首

釋法照二首

釋護國一首

釋靈一五首

釋皎然十五首

釋靈澈一首

送大德講時河東徐明府招
郎仕元

遠近作一作人天王城指日邊宰君迎說法童子伴隨緣
到處花為雨行時杖出泉今宵松月下開閣想安禪

赴無錫別靈一上人
前人

高僧本性疑作竹開士舊名林一入春山裏千峯不可尋
新年芳草徧終日白雲深欲徇微官去懸知訝此心

送粲上人燕寄梁鎮員外
前人

季月還鄉獨未能林行溪宿厭層冰尺素欲傳三署客雪
仙秋送五天僧連空朔氣橫秦苑蒲目寒雲隔灞陵借問
從來香積寺何時携手更同登

寄江南鶴林寺石冰上人
顧况

山川重複出集作山山心地暗相逢忽憶秋江月如聞古
寺鍾湖平南北岸雲抱兩三峯定力超香象真言攝毒龍
風中何處鶴石上幾年松為報烟霞道人間共不容

酬陽州白塔寺永上人
前人

塔上是何緣香燈續細煙松枝當麈尾柳絮替蠶綿浮草
經行徧空花義趣圓我來雖為法暫借一床眠

歸陽蕭寺有丁行者能脩無生忍擔水施僧况歸
命稽首作詩
前人

化佛示持帚仲尼稱執鞭列生御風歸飼豕如人焉曹溪
第六祖踏碓逾三年伊人自何方長綬趨遙泉開士行何
苦双瓶胼两肩蕭寺百餘僧東厨正揚煙露足沙石裂外

形巾褐穿若其有此身豈得安穩眠獨出違順境不為寒暑還大聖於其空一作中領我心之虔萬法常空滅無生因

忍全一國一釋迦一燈分百千末願遺世知一作現身彌

勒前潛容徧虛空靈響不可傳智慧舍利佛神通自乾連

阿若憍陳如迦葉迦檀一作延左右二菩薩文殊普賢

身披六銖衣憶劫為大僊寶塔寶樓閣重簷交梵天譬如

壹明珠共贊光白圓天魔波旬等降伏金剛堅野叉羅刹

鬼亦赦塵垢纏乃致金翅鳥吞龍護洪淵一十一眾中身

意皆快然八河注大海中有楞伽船佛法付國王平等無

頗偏天子事端拱大臣行其權玉堂無蠅飛五月冰凜筵

盡力答明主猶自招罪愆九族無白身百花動一作婢嬪

神聖惡如此物華不能妍祿山一微胡驅馬來自燕宛彼

宮闕麗如何犬羊羶苦哉千萬人流血成卅川此輩一作

之死後鑊湯所熬煎業風吹其魂猛火燒其烟獨有丁行

者無憂樹枝邊市頭盲老人長者乞一錢韶照多密用為

君吟此篇

贈隱上人

定理集作

耿緯

世間無遠近定理遍曾過東海經長在南朝事最多暮林

聊化集作俗初地却一作摧魔今日忘塵慮看心義若何

贈明公

前人

來自西竺國持經奉紫微年深梵語變行苦俗流歸日上

安禪久苔生出院稀梁間有馴集作鴿不去亦無機

訪苑英華 卷之三
詣順公問道

前人

此身知是妄遠遠詣支公何法注持後能逃生死中秋苔
經古徑蘚葉蒲疎叢方便如開誘南宗與北宗

寄天台秀禪師

司空曙

天台瀑布寺傳有白頭師幻跡是羸病空門無住持霜晴
看鶴去海夜與龍期末願親瓶屨澄集作呈心得問疑

寄準上人

前人

昨聞歸舊寺暫別欲經年樵客應同步隣僧定伴禪後峯
秋有雪遠澗夜鳴泉偶與支公論人間自共傳

送况上人還荊州因寄衛侍御像

前人

惠持遊蜀久策杖欲一作忽西還共別此宵月獨歸何處山

對鷗沙草畔洗足野雲間知有玄暉會齊心受八關

深上人見訪憶李端

前人

鴈稀秋色盡落日對寒山避事多癩疾留僧獨閉關心歸
塵俗外道勝有無間仍憶東林友相期久不還

閑園即事寄陳公

前人

欲就東林寄一身尚憐兒姪未成人柴門客去殘陽在藥
圃虫喧秋雨頻近水方同梅市隱曝衣多笑阮家貧深山
蘭若何時到羨與閑雲作四隣

贈岳陽隱禪師

前人

擁褐安居南陌頭白雲高寺見衡州石窓湖水搖寒月楓
樹猿聲報夜秋講席舊逢沙鳥至梵經初向竺僧來垂垂

身老將傳法因下人間逐此游

送臯法師

前人

江草知寒柳半衰行吟怨別獨遲遲何人講席投如意唯
有東林遠法師

別卽上人

冷朝陽

過雲尋釋子話別更依依靜室開來久游人到自稀觸風
香氣盡隔水磬聲微獨傍孤松立塵中多是非

送遠上人歸京

前人

夏臘歲方深思歸徹曙吟未離銷雪院已有過雲心寒磬
清函谷孤鍾宿華陰別京舊游寺月色似雙林

振上人院喜見賈弁兼酬別集作送賈校書東歸寄真上人

李益

北風南鴈南集作吹數聲悲又集作况指前林是別離集作時秋草

不堪頻送遠白雲何處更相期山隨足馬行看暮路入寒

城獨去遲爲向集作問東州故人道江淹已擬惠休詩

憶皎然上人

李端

未得從師去人間萬事勞雲門不可見山木已經集作應高
向日開柴戶驚秋問敝袍無集作何由宿峯頂窓裏望波濤

贈衡嶽隱禪師

前人

舊住衡州寺隨緣偶北來夜寒集作禪山雪下朝汲竹門開
半偈空皆集作傳初盡群生意未迴唯當與樵者杖錫入天台

送少微上人入蜀

前人

文苑英華卷一百一十五

削髮本來道何方不是歸松風開法逕集作江月濯禪衣
飛閣後集作鳴早漫天客過稀戴顓常執筆不覺此身非

送常操上人歸江外觀省 盧綸

依佛不違親高堂與寺隣問安雙樹曉求膳一僧貧持呪
過龍廟翻經化海人還同惠休去儒者亦沾巾

送少微上人入蜀 前人

瓶鉢遶禪衣連宵宿翠微樹開巴水遠山曉蜀星稀遍識
中朝貴多諳外學非何當一傳付道侶願知歸

送郢上人歸江南 前人

落日映危檣歸僧向岳陽注瓶寒浪靜讀律夜船香苦霧
凝山影陰霞發海光群生一何負臨病別醫王

送契玄法師赴內道場 前人見集本

昏昏醉老夫灌頂遇醍醐御呈嬪心鏡君王賜髮珠降魔
須戰否問疾敢行無深契何相秘儒宗本不殊

夜投終南豐德寺詣海上人 前人

半夜中集作峯有磬聲偶逢樵者問山名上方日晚聞僧
語下路林疎見客行野鶴巢邊松最老獨龍潛處水偏清

願得遠公知姓字焚香洗鉢過浮生

寄西巖普上人 前人

過雨閑樓看晚虹白雲相逐水相通寒蟬怨暮野無日古
樹傷秋天有風數穗遠煙凝隴上一枝繁果憶山中何言
暫別東林友惆悵人間事不同

寄皎然上人

常應物

吳興老釋子野雪蓋青廬詩名徒自振道心常集作長晏如

想茲棲禪夜見月東峯初鳴鍾驚巖壑焚香滿空虛夙作

叨暮端成舊未識豈為踈願以碧雲思方君怨別餘茂苑

文華地流水古僧居何當一游詠倚閣集作吟躊躇

超集作起渡律同居東齋院 前人

釋子喜相偶幽林多避喧安居同僧夏清夜諷道言對閣

景恒晏步庭陰始繁逍遙無一事松風入南軒

簡恒璨 前人

室虛多涼氣天高屬秋時空庭夜風雨草木曉離披簡牒

集作書日云曠文墨誰復持聊因心近集作遇滄靜一與道人期

上方僧見集本 前人

見月出東山上方高處禪空林無宿火獨夜汲寒泉不下

藍溪寺今來三十年

送桃巖成上人歸本寺 嚴維

長老歸緣起桃花憶舊巖清晨雲抱石深夜月籠杉道具

門人捧齋糧谷鳥銜餘生願依止文字欲三緘

酬普選二上人期相會見寄 前人

本意宿東林因聽子賤琴遙知大小朗已斷去來心夜靜

溪聲近庭寒月色深寧知塵外意定後更成吟

相里使君宅聽惠澄上人吹小管 前人

秦僧吹竹閉秋城早在黎園稱主情今夕襄陽山太守座

中流淚聽商聲

贈別至弘上人

前人

最稱弘偃少早歲草茆居年老從僧律生知解佛書衲衣
求壞帛野飯拾春蔬章句無求斷詩中學有餘

送真上人歸山蘭若

崔峒

得道雲林下年深暫一歸出山逢世亂乞食覺人稀半偈
初傳法千峯又掩扉愛離應不染塵俗自依依

潤州送師弟自江夏往台州

前人

遠客乘流去孤帆向夜開春風江上使前日漢陽來別路
猶千里離心重一杯剡溪木未落羨爾過天台

送堅上人歸杭州天竺寺

釋清江

十年勞負笈經論化中朝流水知鄉遠和風惜別遙雲山
零夜雨花岸上春潮歸卧南天竺禪心更寂寥

送贊律師歸嵩山

前人

禪客歸山意山深定易安清貧脩道苦老友別家難雪路
尋溪轉花宮映岳看到時松塔暮松月向人寒

送波羅門僧

前人

雪嶺金河獨向東吳山楚澤意無窮如今白首鄉心盡萬
里歸程在夢中

送清江上人

釋法照

越人僧體古清慮洗塵勞一國詩名遠多生律行高見山
援葛藟避世著方袍早晚雲門去疑應逐爾曹

送無著禪師歸新羅國

前人

萬里歸鄉路隨緣不筭程尋山百衲弊過海一杯輕夜宿
依雲色晨齋就水聲何年持貝葉却到漢家城

訪雲母山僧

釋護國

森然古崖碧一作巖下淨行一高一作僧松下瀘寒水佛前挑
夜燈蓮花國土異貝葉梵書能相對空王所一作境無心戀

一作問愛憎

一作皆高僧詩

送冽寺主之京迎禪和尚

釋靈一

禪門居此地瞻望在虛空水國月未上蒼生如夢中上人
知機士一作引錫慰樊籠彼土諸梵衆嗟君揚道風

送王法師之西川

前人

襟游無近遠要自別寬銷官柳鄉愁亂春山客路遙伴行
芳草遠集作綠緣興集作野花飄計日功成後還將輔聖朝

送範律師往果州

前人

終南千古後獨爾繼卿名離障非今日脩因是幾生亂峯
寒影暮深澗野流清遠客歸心苦難為此別情

送明素上歸楚觀省

前人

能將疎懶背時人不厭孤萍任此身江上昔年同出處天
涯今日共風塵平一作小湖舊隱一作應殘雪芳草歸心未

隔秦前路陪憐多勝事到家知慶綵衣新

贈靈澈禪師

前人

禪師來往翠微間萬里千峯到剡山何時共到天台裏身

與浮雲處處閑

到剡到集作見

送贊上人還京

釋皎然

久游春草盡還寄北船師沙鳥窺中食江雲蒲淨衣秦原
山色近楚寺磬聲微見謝翻經館多聞似爾稀

送重鈞上人游天台

前人

漸看華頂出幽意尚集作幽賞意隨生十里行松色千重過水
聲海容雲正盡山態雪初晴事事將心證知君道可成

送清會上人游京

前人

佳游恨衰疾一笑向西風思見青門外曾臨素澹東峯明
雲際寺寺各日出露寒宮宮各行道禪長在看塵不染空

送關小師還金陵

前人

如何有歸思愛別欲難忘白露沙洲晚青龍水寺寒蕉花
舖淨地桂子落空壇持此心為鏡應堪月夜看

送栖上人之建州觀使君舅

前人

亂峯江上色羨爾及秋行釋氏推真子郗家許貴甥
新雨靜帆葉好風輕海人以木葉為帆千里依元舅迴繞有遠情

送沙彌大智游五臺

前人

童年隨法侶家世本儒流章句三生學清涼萬里遊雲歸
龍沼暗木落鴈門秋長老憶相待傳予向祖州

送契上人

前人

西陵古江口遠見東陽州淶水不同泛春山應獨遊尋僧
白巖寺望月謝家樓宿昔心期在人寰非久留

送道琚上人還金陵

前人

一與鍾山別山中得信稀經年求法後及夏問安歸野實
充甘膳池花當綵衣慈親莫返拜外禮欲無違

早秋桐廬思歸示道該上人

前人

桐江秋信早憶在故山時靜夜風鳴磬無人行掃塚後來
觸淨水鳥下啄寒梨何暇一作歸吾事歸關心自有期

聽素法師講法華經

前人

法子出西秦名齊七道人纔敷藥草義便見雪山春護講
龍來遠聞經鶴下頻應機如一雨誰不滌心塵

山歸示靈澈上人

前人

清明路出山初暖行踏春蕪看茗歸乍削柳枝聊代札時

窺雲影與裁衣身閑始覺蘊名是心了方知苦行非物外
寂中誰似我松聲草色共忘機

湯評事衡水亭會覺禪師

前人

山侶相逢少清晨會水亭雪晴松葉翠煙暖藥苗青靜對
滄洲鶴閑看古字寺經應憐叩一作關子一作義共心冥

題湖上蘭若示清會上人

前人

峯心惠忍寺嵒頂謝公山何似南湖近芳洲一畝間意中
雲木秀事外水堂閑未日無人到時看獨鶴還

支公詩

前人

支公養馬復養鶴率性無機多腕略天生支公與凡異凡
情不到支公地得道由來天上僊爲僧却下人間寺道家

諸子論自然此公惟許逍遙篇山陰詩友喧四座佳句縱橫不廢禪

白雲上人精舍尋杼山禪師無示崔子尚何山道

上人

前人

望遠涉寒水懷人在幽境爲高皎皎姿及愛蒼蒼嶺果見
栖禪子潺湲灌真頂積疑一念破澄息萬緣靜世事花上
塵惠心空中影清閑誘我性遂使煩慮屏許其林客遊欲
從山主請木栖無名樹水汲一作乃忘機井持此一日高未
肯謝箕穎夕霽山態好空月生俄頃識妙聆細泉悟深滌
清茗此心誰復得笑向西林來

冬送鑒供奉親蜀寧親

釋靈澈

林間出定戀庭闈聖主恩深覲許歸雙樹欲辭金錫令四
花猶向玉階飛梁山拂漢分清境蜀雪和煙惹翠微此去
不須求綵服紫衣全勝老萊衣

文苑英華 卷二百一十
自二百十一卷至二百二十凡十卷家藏明鈔兩本皆
缺假東方館藏本校之乃奪記滿幅殊不足據因以
范厝御臨葉石君校本移錄於上竝異時仿得精美
之本再為補勘也

藏園老人識

此本校正六十六字四月二十四日

文苑英華卷第二百一十